



Broj: 01/02-02-476-1/17
Zenica, 16.01.2017. godine

ZENIČKO-DOBOJSKI KANTON
VLADA KANTONA
Stručna služba Vlade
n/r sekretara

PREDMET: Inicijativa Ekrema Čosića, vijećnika Gradskog vijeća Zenica za izmjenu Zakona o prostornom uređenju i građenju («Službene novine Zeničko-dobojskog kantona», broj: 1/14), - dostavlja se

U prilogu ovog dopisa, shodno odredbi člana 112. stav 1. Poslovnika Skupštine Zeničko-dobojskog kantona - Novi Prečišćeni tekst («Službene novine Zeničko-dobojskog kantona», broj: 7/12 i 12/13), **dostavljamo Vam na mišljenje Inicijativu Ekrema Čosića, vijećnika Gradskog vijeća Zenica za izmjenu Zakona o prostornom uređenju i građenju («Službene novine Zeničko-dobojskog kantona», broj: 1/14).**

Naime, odredbom člana 111. Poslovnika Skupštine Zeničko-dobojskog kantona, propisano je slijedeće: „*Inicijativu za donošenje zakona može pokrenuti svaki poslanik Skupštine, radno tijelo Skupštine, Vlada, ministarstva i ostali kantonalni organi, kantonalna javna preduzeća i druga pravna lica, općinska vijeća, kao i građani i njihova udruženja*”.

Članom 112. stav 1. Poslovnika Skupštine Zeničko-dobojskog kantona propisano je da inicijativu za donošenje zakona predsjedavajući dostavlja Zakonodavno-pravnoj komisiji Skupštine i Vladi Kantona na mišljenje.

Molimo Vas da nam u propisanom roku od 30 dana dostavite mišljenje povodom navedene inicijative, kako bi se se mogla nastaviti provoditi odgovarajuća propisana procedura po navedenoj Inicijativi.

S poštovanjem,

PRILOG: Inicijativa Ekrema Čosića, vijećnika Gradskog vijeća Zenica za izmjenu Zakona o prostornom uređenju i građenju («Službene novine Zeničko-dobojskog kantona», broj: 1/14)

SEKRETAR

Ibrahim Avđagić

DOSTAVLJENO:

- 1 x Naslovu,
- 1 x Svim članovima Zakonodavno-pravne komisije/04-01,
- 1x Svim poslanicima Skupštine/05-03,
- 1 x Ministarstvu za prostorno uređenje, promet i komunikacije i zaštitu okoliša,
- 1 x Grad Zenica, *n/r sekretara*, Trg Bosne i Hercegovine 6, 72000 Zenica, (na znanje),
- 1 x U spis predmeta-03 *R⁴*

03/16 01/17 14

ZENIČKO-DOBOJSKI KANTON			
Prihvaćeno:		12-01-2017	
Red. broj	Kvalifik. oznaka	Red. broj	Red. broj
01	02	476	

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

ZENIČKO-DOBOJSKI KANTON
SKUPŠTINI ZENIČKO-DOBOJSKOG KANTONA

ZENICA

PREDMET: Inicijativa za izmjenu Zakona o prostornom uređenju i građenju ZE-DO kantona, dostavlja se

Na osnovu člana 135. Statuta Grada Zenica ("Službene novine Grada Zenica", broj 5/15) a u vezi sa članom 111. Poslovnika Skupštine ZE-DO kantona-novi prečišćeni tekst ("Službene novine ZE-DO kantona" broj:7/12 i 12/13) Gradsko vijeće Zenica, podnosi

INICIJATIVU
za izmjenu Zakona o prostornom uređenju i građenju ZE-DO kantona
("Službene novine ZE-DO kantona", broj:1/14)

Na sjednici Gradskog vijeća Zenica održanoj 29.12.2016. godine, vijećnik Ekrem Čosić podnio je inicijativu za izmjenu Zakona o prostornom uređenju i građenju ZE-DO kantona ("Službene novine ZE-DO kantona broj:1/14) u dijelu koji se odnosi na priključenje na elektrodistributivnu mrežu bespravno izgrađenih objekata i ista vam se dostavlja u prilogu ovog akta.

Molimo da u skladu sa odredbama člana 111. Poslovnika Skupštine ZE-DO kantona, u što kraćem roku, razmotrite podnesenu Inicijativu i pokrenete proceduru izmjene Zakona o prostornom uređenju i građenju ZE-DO kantona.

Broj: 01- 23-216/14
Zenica, 05.01.2017. godine

DOSTAVLJENO:

1x Naslovu

1x Stručna služba Gradskog vijeća i Gradonačelnika

1x a/a.



Ekrem Čosić
vijećnik
Zenica, 29.12.2016.

Vlada ZDK
Premijer Miralem Galijašević

INICIJATIVA

Za izmjenu Zakona o prostornom uređenju i građenju ZDK (Službene novine ZDK broj 1/14) kojim bi bilo omogućeno privremeno priključenje na elektrodistributivnu mrežu bespravno izgrađenih objekata

obrazloženje

Na području našeg grada veliki je broj bespravno izgrađenih objekata.

Razlozi su:

- neriješeni imovinsko-pravni odnosi, većina zemljišnih parcela u Zemljišno knjižnom uredu Općinskog suda u Zenici upisana je kao suvlasništvo, a za dobijanje odobrenja za građenje odnosno građevinske dozvole potreban je dokaz o vlasništvu sa 1/1 dijela.
- Nedostatak novčanih sredstava

U većini slučajeva radi se o osobama slabijeg imovnog stanja koje nisu u mogućnosti obezbijediti sredstva za rješavanje imovinsko-pravnih odnosa.


Mnogo je porodica koje žive u bespravno izgrađenim objektima a nemaju mogućnost priključka na elektrodistributivnu mrežu zbog nepostojanja zakonskog osnova.

Odredbama Zakona o prostornom uređenju i građenju ZDK (čl.141 i čl.183) zabranjeno je priključenje na elektrodistributivnu mrežu bespravno izgrađenih objekata.

Zakon o građenju ZDK, koji je prethodio ovom zakonu sadržavao je i odredbe koje su regulisale ovo pitanje.

Važno je napomenuti, da u zakonima o prostornom planiranju i građenju u drugim kantonima postoje odredbe koje omogućuju privremeno priključenje ovakvih objekata na elektrodistributivnu mrežu.

Obzirom da se radi o porodicama slabog imovnog stanja koje žive u objektima bez električne energije, često prinuđene nelegalno uzimati struju sa drugih objekata što može dovesti i do gubitka života, zamolio bih vas da ovu inicijativu uzmete kao prioritet.



Na osnovu člana 16. stav 4. Zakona o Vladi Zeničko-dobojskog kantona – Prečišćen tekst (“Službene novine Zeničko-dobojskog kantona”, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 86. sjednici, održanoj 01.02.2017. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona dato po Inicijativi Ekrema Čosića, vijećnika Gradskog vijeća Zenica, za izmjenu Zakona o prostornom uređenju i građenju (“Službene novine Zeničko-dobojskog kantona”, broj: 1/14, 4/16).

II.

Mišljenje iz tačke I ovog Zaključka, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-1463/17.
Datum, 01.02.2017. godine
Z e n i c a

DOSTAVLJENO:

1 x Ministarstvo za prostorno uređenje,
promet i komunikacije i zaštitu okoline,

1 x Stručna služba Skupštine,
1 x a/a.



PREMIJER

Miralem Galijašević

Na osnovu člana 112. stav 1. Poslovnika Skupštine Zeničko-dobojskog kantona-Prečišćen tekst ("Službene novine Zeničko-dobojskog kantona", broj:7/12), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje

MIŠLJENJE

Gradsko vijeće Grada Zenica Skupštini Zeničko-dobojskog kantona dostavilo je Inicijativu Ekrema Čosića, vijećnika Gradskog vijeća Zenica za izmjenu Zakona o prostornom uređenju i građenju ("Službene novine Zeničko-dobojskog kantona", broj:1/14, 4/16), u dijelu koji se odnosi na priključenje na elektrodistributivnu mrežu bespravno izgrađenih objekata.

U vezi navedene Inicijative Ministarstvo za prostorno uređenje, promet i komunikacije i zaštitu okoline Zeničko-dobojskog kantona izjašnjava se da je JP „Elektroprivreda BiH“ d.d. Sarajevo, Podružnica „Elektrodistribucija“ Zenica Premijeru i Skupštini Zeničko-dobojskog kantona takođe podnijela Inicijativu za izmjenu Zakona o prostornom uređenju i građenju Zeničko-dobojskog kantona, kojim bi se omogućilo privremeno priključenje na elektrodistribucionu mrežu nelegalno izgrađenih objekata. O navedenoj Inicijativi ovo Ministarstvo je u skladu sa članom 112. stav 1. Poslovnika Skupštine Zeničko-dobojskog kantona dalo Mišljenje, koje je prihvatila svojim Zaključkom Vlada i uputila u dalju skupštinsku proceduru.

Navedenu Inicijativu Ministarstvo za prostorno uređenje, promet i komunikacije i zaštitu okoline Zeničko-dobojskog kantona smatra neutemeljenom iz razloga što bi predložene izmjene bile u direktnoj suprotnosti sa odredbama člana 100. Zakona o prostornom planiranju i korištenju zemljišta na nivou Federacije Bosne i Hercegovine kojima je propisano da će se odgovorno lice u pravnom licu koje odobri priključenje bespravno izgrađenog objekta na javnu mrežu vodovoda, kanalizacije ili električne mreže kazniti za krivično djelo kaznom zatvora u trajanju od jedne do tri godine.

Prema mišljenju ovog Ministarstva prihvatanjem predmetne Inicijative podsticala bi se dalja bespravna gradnja.

Odredbama člana 188. stav (3) Zakona o prostornom uređenju i građenju propisano je da Skupština Zeničko-dobojskog kantona može na prijedlog Vlade Kantona donijeti poseban propis kojim će se regulisati bespravna gradnja na području Zeničko-dobojskog kantona.



MINISTAR

Fahrudin Brkić